



ЧИН МОЛЕБНА

в Кафедральном соборном Храме

Христа Спасителя

в преддверии XXXII летней Олимпиады в Токио

30 июня 2021 г.

ЧИН МОЛЕБНА

Протодиакон:

Благослови, Высокопреосвященнейший Владыко.

Архиерей: Благословен Бог наш:

Хор: Аминь.

Протодиакон: Бог Господь и явился нам:

Хор: Бог Господь:

Хор: *тропарь глас 2*

Творче и Создателю всяческих, Боже, / дела рук наших, к славе Твоей начинаемая, / Твоим благословением спешно исправь, / и нас от всякого зла избавь, // яко Един всесилен и Человеколюбец.

Слава: *глас 6*

Скорый в заступление и крепкий в помощь, / предстани благодатию силы Твоея ныне / и, благословив, укрепи, / и в совершение намерения благого дела рабов Твоих произведи; / вся бо, елика хочещи, // яко Всесильный Бог, творити можещи.

И ныне: *глас тойже*

Предстательство христиан непостыдное, / ходатайство ко Творцу непреложное, / не презри

грѣшных молѣний гласы, / но предвари, яко Благая, на
помощь нас, / верно зовущих Ти: / ускори на молитву
и потщися на умоление, // предстательствующи
присно, Богородице, чтущих Тя.

Протодиакон: Вонмем, премудрость, вонмем.

Прокимен, глас 4:

Буди светлость Господа Бога нашего на нас, и дела
рук наших исправи.

Стих: **И** призри на рабы твоя и на дела твоя.

Евангелие от Матфея, зачало 20 (от полу).

Рече Господь: просите и дастся вам, ищите и
обрязете, толцые и отверзется вам. Всяк бо
просяй приемлет, и ищяй обретает, и толкущему
отверзется. Или кто есть от вас человек, егоже
аще воспросит сын его хлеба, еда камень подаст
ему? Или аще рыбы просит, еда змию подаст
ему? Аще убо вы, лукави суще, умеете даяния
блага даяти чадом вашим, кольми паче Отец ваш
Небесный даст блага просящим у Него.

Хор: Слава Тебе, Господи, слава Тебе.

Протодиакон: (сугубая ектения)

- **П**омилуй нас Боже по велицей милости Твоей, молим Ти ся, услыши и помилуй.
- **Е**ще молимся о великом Господине и Отце нашем Святейшем Патриархе КИРИЛЛЕ, о Преосвященных митрополитах, (архиепископах и епископах) и всей во Христе братии нашей.
- **Е**ще молимся о Богохранимой стране нашей, властех и воинстве ея, да тихое и безмолвное житие поживем во всяком благочестии и чистоте.
- **П**ризри, Человеколюбче, милостивым твоим оком на рабы Твоя, всех zde предстоящих, к Твоему благоутробию верою припадающыя, и услышав моления всех нас, благое намерение и дело наше благослови, и благополучно начати и спешно кроме всякаго препятія во славу Твою и Богохранимого Отечества нашего совершити, яко всесильному Царю молимтися, услышии помилуй.
- **А**нгела Твоего хранителя пристави делу сему, благоуветливе Господи, и еже воспятити вся препятія видимых и невидимых врагов, поспешство же во всем ко благополучному совершению делающым сотворити, молимтися, преблагий Спасе, услыши и помилуй.

— **Во** славу Твою вся творити повелевый Господи и рабом Твоим, всем zde предстоящим, ко славе Богохранимого Отечества нашего дело свое начинающим, благословением Твоим благополучное поспешество с довольством к совершению подаждь, здравие им с благоденствием даруя, молим Ти ся Вседаровитый Творче, услыши и помилуй.

Архиерей: Услыши ны Боже:

Хор: Аминь.

Протодиакон: Господу помолимся.

Хор: Господи помилуй.

Архиерей: *(читает молитву)*

МОЛИТВА

Господи Иисусе Христе, Боже наш, вера объемлет сердца наши, и души наши смиренно открыты пред Тобою. Прилежно молим Тя, ибо Ты рекл еси: яко без Мене не можете творити ничесоже, даруй благодатную силу Твою и, благословив, укрепи чад Твоих, соревнующихся и труждающихся. Пристави людям сим Ангела Хранителя, сохраняющего их от всякого злаго

обстояния видимых и невидимых врагов. Укрепи и вразуми их во всех предстоящих трудах и начинаниях: вся бо елика хочещи яко Сильный Бог творити можещи. Да послужат соревнования сии к созиданию мира во всем мире и прекращению междоусобных брани. Укрепи в сердцах наших веру в помощь Твою на всякое дело благое. Буди Господи милость Твоя на нас, якоже уповахом на Тя. Ты бо еси Бог наш, Бог Милующий и спасающий, и Тебе славу возсылаем, ныне и присно и во веки веков.

Хор: Аминь.

Протодиакон: Премудрость:

Архиерей: Пресвятая Богородице, спаси нас:

Хор: Честнейшую:

Архиерей: Слава Тебе, Христе Боже:

Хор: Слава: И ныне: Господи помилуй *трижды*.
Высокопреосвященнейший Владыко, благослови.

Архиерей глаголет отпуст.

Протодиакон возглашает многолетие.